

CENTRU

■ UVIÉU. Areces y Riopedre inauguraron los obres de reforma de los dos conservatorios de música ovetenses

El presidente del Principáu, Vicente Álvarez Areces, y'l conseyeru d'Educación y Ciencia, José Luis Iglesias Riopedre, inauguraron la reforma y ampliación del edificiu qu'acueye los dos conservatorios de música d'Uviéu, una actuación que costara 1,8 millones d'euros. Los dos conservatorios son el Conservatoriu Superior de Música "Eduardo Martínez Torner" y el Conservatoriu Profesional de Música d'Uviéu, allugáu na Corrada del Obispu. El primeru tié 280 alumnos y ufierta Cantu, Composición, Instrumentos de Cuerda-Arcu (Violín, Viola, Violonchelu y Contrabaxu), Instrumentos de Vientu-Maera (Flauta, Clarinete, Oboe y Fagot), Instrumentos de Vientu-Metal (Trompeta, Trompa, Trombón y Tuba) Curdión, Guitarra, Órganu, Percusión, Pianu y Saxofón. El segundu cuenta con 420 alumnos en Cantu, Curdión, Clarinete, Contrabaxu, Fagot, Flauta travesera, Gaita, Guitarra, Oboe, Órganu, Percusión, Pianu, Saxofón, Trombón, Trompa, Trompeta, Tuba, Viola, Violín y Violoncello.

■ AVILÉS. Presentáu el proyeutu del nuevo centru de salú de Villalegre-La Luz

El conseyeru de Salú y Servicios Sanitarios, Ramón Quirós, y l'alcaldesa d'Avilés, Pilar Varela, presentaron el proyeutu del nuevo centru de salú de Villalegre-La Luz, allugáu nel barriu de Villalegre, col Hospital San Agustín como hospital de referencia a 3,2 km. de distancia y con un tiempu de desplazamientu de 10 minutos. Ocupará una parcela de 2.541 m2 de superficie y la inversión prevista pa la so construcción ye de 4.750.170 euros.

■ LLANERA. Obres de saneamientu en Castiellu per 1.433.081 euros

El Conseyu de Gobiernu aprobó un gastu de 1.433.081 euros pa la contratación de les obres del saneamientu de Castiellu a Santa Rosa (Llugo Llanera) y la so conexión col coleutor interceutor xeneral de Llanera. La población direutamente beneficiada ye de unos 336 habitantes. El plazu pa la execución de les obres ye d'ocho meses.

■ AYER. Meyores nel conceyu per 499.492 euros

El Gobiernu autorizó la contratación de les obres pa l'ampliación de los aparcamientos na Estación d'Esquí de Fuentes d'Iviernu per un importe de 1.515.743 euros.

ORIENTI

Los Príncipes d'Asturies entregaron en Torazu el Premiu al Pueblu Exemplar 2008

A.F.P. CABRANES. El cienu de vecinos de Torazu xunto colos 1.400 de la Comarca de la Sidra celebraron el pasáu día 25 d'ochobre el Premiu Príncipe d'Asturies al Pueblu Exemplar 2008 con Don

Felipe y Doña Letizia, que foron a entrega-yos el premiu al so pueblu, acompañaos pol presidente del Principáu, Vicente Álvarez Areces, y'l dellegáu del Gobiernu, Antonio Trevín, asina como'l alcalde Alejandro Vega.

La folixa del premiu fízose cola señalda hacia los vecinos qu'emigraron a América (México, Cuba, República Dominicana y Arxentina), a los cualos se refiriera'l Príncipe d'Asturies na entrega del Premiu, destacando que munchos d'ellos llograron xorecer "fasta converti-se n'un fautor d'avance económicu y extraordinaria importancia".

Dellos emigrantes o los sos fíos falaren en Torazu colos Príncipes, que dedicaren más de dos hores a saludar a los vecinos y a recorrer l'aldega, perguapa y melguera, qu'algamara'l galardón per haber recuperao vieyes tradiciones y pola rehabilitación de los sos edificios, hórros y cases, coles facháes pintaes con llamativos colores.

L'actu d'entrega del Premiu fízose na Prazuela, ante la Ilesia de Samartín del Real, onde s'atopa la imaxe de la Virxe del Carmen. Don Felipe, dempués d'entrega'l galardón a José Antonio Martínez, en representación de la comunidá vecinal, agradeció la hospitalidad desta tierra y animó a los más mozos a acepta'l retu d'emprender e innovar y dixerá que güei l'actividá agraria entá pué y debe ser un sofitu fonderu de la economía y ser quien na conservación del mediu ámbetu. Pola so parte, l'alcalde de Cabranes (onde s'alluga Torazu), Alejandro Vega, fizo un llamamientu p'algamar un pautu pol mundu rural, que debería entamar colaafitamientu dafechu de les nueves teunoloxías.

Caleyando pol pueblu

Dempués de visitar la parroquia, Don Felipe y Doña Letizia, acompañaos polos presidentes del Principáu, Vicente Álvarez Areces, y de la Fundación qu'acostina'l nome del títulu del Herederu de la Corona, Matías Rodríguez-Inciarte, ficeron el recorriu poles cáis de Torazu. La primera parada del paséu, nel que diben estrechando les manes de la xente y falando colos vecinos y acariciando o coyendo en brazos a neños, fora ante'l monumentu al cienu Montesín, el primeru que s'asoleyo, en 1980, en llingua asturiana.

Tamién felicitaron y vieren los trabayos de los neños (nel pueblu, de los 95 habitantes 18 son menores) que participaren n'un



S.A.R. Don Felipe falando-y a los cabraneses.



Muncha xente'n Torazu.



Descubriendo la placa.



Los príncipes con dellos escolinos del conceyu.



El príncipe Felipe tirando a los bolos.

concurso de dibuxu con motivu de la so visita a la llocalidá.

Amás, paseando ente hórros y cases restauraes y pintaes n'azulones, ocreos o verdes, visitaron y falaren con artesanos de la comarca de la Sidra (declarada zona d'interés artesanu) y xintaren especialidáes típiques como

chorizu de xabalí o arroz con llechi y tamién la famosa "borriña preñada". El recorriu finó con una partida de bolos en "cuatradá", na que participó'l Príncipe con dos tiríes, y eno cabero, comieren xunto con unos quiniertes personas n'una carpa averada a la hostería de Torazu.

Fotos: Iván Martínez / FPA

ORIENTI

■ CABRALES. Subención de 42.058 euros al Conseyu del Quesu Cabrales

El Gobiernu aprobó una subención de 42.058 euros al Conseyu Regulaor de la Denominación d'Orixe Protexía de Cabrales pa la creación d'una sala de cates desti quesu. El presupuestu dafechu de la inversión ye de 84.116 euros, de los cualos Desendolque Rural subenciona'l 50%.

■ LLANES. Construcción d'un aulariu per 1.200.000 euros

El Principáu aprobó'l gastu de 1.200.000 euros pa un conveniu col Ayuntamientu pa la construcción d'un aulariu d'Educación Infantil que se construirá n'una zona del patiu del Colexu Públicu Peña Tú y constará de nueves unidaes.

OCIDENTE

■ TAPIA. El presidente del Principáu inauguró'l nuevu Ayuntamientu

El presidente del Principáu, Vicente Álvarez Areces, el alcalde de Tapia, Gervasio Acevedo, y la consejera d'Administraciones Públiques y Portavoz del Gobiernu, Ana Rosa Migoya, inauguraron el nuevu Ayuntamientu. Les nueves instalaciones son frutu de la remodelación financiada pola Corporación y'l Gobiernu asturianu, qu'aportó'l 75 por cienu de los 896.044 euros que costó la obra. Tién una superficie construída de 1.216 metros cuadráos. L'edificiu del Ayuntamientu preside la Plaza de la Constitución o Campu Grande, y ye modelu casamente únicu n'Asturies d'urbanismu isabelinu institucional de los años 60 del síglu XIX.

■ VALDÉS. Subención de 524.238 euros pa entama'l Parque de la Madera en Barcia

El Principáu da una subención de 524.238 euros al Ayuntamientu de Valdés pal desendolque del Parque Empresarial de la Madera en Barcia, asina como pa mercar terrenos pa face'l Parque Empresarial de Treviás-Fase I.

■ TARAMUNDI. Rede de caleyos en Lourido y Piñeiro per 1.060.000 euros

Desendolque Rural invertirá 1.060.000 euros pa facer una rede de caleyos na concentración parcelaria Lourido-Piñeiro, ensin anunciari'l direutor xeneral de Política Forestal, Alejandro Calvo.